



Lo Lus Nug Uas Nquag Nug (Frequently Asked Question, FAQ) Txog Kev Tshuaj Ntsuam Xyuas Tus Neeg Mob Tus Kab Mob Khaus Viv-19 (COVID-19)

- Tus neeg twg los xij uas tau ua kev sim kuaj mob pom tias mob Tus Kab Mob Khaus Viv-19 (COVID-19) nyob rau hauv xeev Oregon yuav tsum tau ua kom tiav qhov kev tshuaj ntsuam xyuas nod. Yog hais tias koj muaj hnuv nyoog qis dua 15 xyoos, thov ib tus niam thiab txiv/tus neeg saib xyuas me nyuam los ua kom tiav daim foos nod nrog koj.
- Qhov kev tshuaj ntsuam xyuas nod muaj sau ua 12 hom lus.
- Koj yuav tsum muaj is taws nej (internet) thiaj li ua tau qhov Kev Tshuaj Ntsuam Xyuas Txog Tus Neeg Mob Tus Kab Mob Khaus Viv-19 (COVID-19) nod kom tiav. Yog hais tias koj tsis muaj is taws nej (internet) los sis xav tau kev pab ntsig txog kev ua neej nyob, thov hu rau peb ntawm 866-917-8881 txhawm rau sib tham nrog ib tus kws txawj ua hauj lwm tshaj lij txog fab kev noj qab haus huv.
- Kwv yees lub sij hawm los mus ua kom tiav qhov kev tshuaj ntsuam xyuas nod nyob rau ncuaj sij hawm li 20-45 feeb (nas this).

Q. Kuv yuav ua li cas yog hais tias kuv mus sim kuaj pom tias muaj mob lawm?

- [Caiv nyob ib leeg.](#)
- [Qhia rau koj cov neeg uas tau nyob sib ze nrog paub](#) thiab tus neeg twg los xij uas koj tau sib chv nyob sib ze nrog tsis ntev los no.
- Puas muaj lus nug, los sis xav tau kev pab dab tsi? Hu rau 866-917-8881 txhawm rau sib tham nrog ib tus kws txawj ua hauj lwm tshaj lij txog fab kev noj qab haus huv.
- Ua kom tiav qhov [Kev Tshuaj Ntsuam Xyuas Txog Tus Neeg Mob Tus Kab Mob Khaus Viv-19 \(COVID-19\).](#)

Q. Kev Tshuaj Ntsuam Xyuas Txog Tus Neeg Mob Tus Kab Mob Khaus Viv-19 (COVID-19) yog dab tsi?

Nws yog ib qho kev tshuaj ntsuam xyuas txog rau cov neeg ua tau sim kuaj mob pom tias muaj Tus Kab Mob Khaus Viv-19 (COVID-19). Ns nug tib cov lus nug uas cov kws txawj ua hauj lwm tshaj lij txog fab kev noj qab haus huv twb tau nug dua los lawm

thawm lawv hu rau cov neeg ua tau sim kuaj mob pom tias muaj mob ntawd. Los ntawm kev ua kom muaj qhov kev tshuaj ntsuam xyuas no nyob rau hauv oos lais (online), nws ua rau Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tuaj yeem suav sau tau tag nrho tib cov ntaub ntawv zoo tib yam nkaus li cov uas peb twb tau muaj los lawm thawm ua qhov kev tshuaj ntsuam xyuas txog tus kab mob sib kis txog hais tias Tus Kab Mob Khaus Viv-19 (COVID-19) nod cuam tshuam txog rau koj thiab koj cheeb tsam zej zos tau li cas ntawd lawm.

Q. Vim li cas kuv thiaj li yuav tsum tau ua qhov kev tshuaj ntsuam xyuas no?

Qhov kev tshuaj ntsuam xyuas nod yog nyob rau ntawm yeem txaus siab. Koj cov lus teb los ntawm lub siab dawb paug tsis dag yuav pab tau peb kom nkag siab txog hais tias tus kab mob vais lav (virus) nod tab tom sib kis mus rau hauv koj cheeb tsam zej zos tau li cas thiab muab tau kev pab cuam rau cov neeg uas xav tau kev pab tshaj plaws ntawd txhawm rau kom nyob noj qab haus huv.

Q. Nws yuav siv lub sijhawm ntev npaum li cas?

Li 20-45 feeb (nas this) nyob ntawm seb yog cov dej num (hauj lwm los sis kiv cab kas) hom dab tsi uas koj tau ua los lawm ua ntej thiab tom qab koj muaj mob ntawd, thiab koj tus kheej li keeb kwm fab kev noj qab haus huv.

Q. Vim li cas peb ho hloov los ntawm kev hu sib tham hauv xov tooj los mus ua kev ntsuam xyuas txog tus neeg mob hauv oos lais (online) lawm?

Feem saib xyuas kev noj qab haus huv ntawm pej xeem hauv lub zej zos twb tau sim tiv tauj rau txhua kis (kaus lab nis) mob lawm, tab sis mas cov kis (kaus lab nis) mob tau nce siab coob thiab muaj coob leej ntau cov neeg tab tom ua kev sim kuaj mob nyob rau ntawm vaj tsev, cov neeg uas lawv muaj peev xwm tiv tauj tau rau nws muaj tsawg zuj zus. Peb thov koj pab peb suav sau cov ntaub ntawv tseem ceeb no nyob rau ntawm qhov kev tshuaj ntsuam xyuas hauv oos lais (online), es kom cov neeg ua hauj lwm saib xyuas kev noj qab haus huv thiaj li rov qab tau txais kev saib ua qhov tseem ceeb txhawm rau los mus soj qab taug lw txog cov kev sib kis uas muaj kev pheej hmoo muaj mob ntau heev thiab muab lwm cov kev pab cuam ntsig txog fab kev noj qab haus huv ntawm pej xeem uas tseem ceeb rau sawv daws.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.